



8. januar 2013

Inatsisartut suleriaasianni § 37 naapertorlugu, matumuuna apeqquutit makku Naalakkersuisunut saqqummiuppakka:

Nutaanik naatitanik assigisaanillu Kalaallit Nunaani imminut pilersornissamut tunngasunik Naalakkersuisunut apeqquteqaat

Kalaallit Nunaani naatitanik nutaanik assigisaanillu imminut pilersulernissamut pilersaarutigineqartuni Naalakkersuisut sumut killippat?

Aningaasaliissutit qanoq annertutigisut Kalaallit Nunaani naatitanik nutaanik imminut pilersulernissamut Naalakkersuisut immikkoortitsippat?

Europamiit neqinik eqqussanik unammillersinnaasunik assersuutiginnarlugu nersussuit neqaanut unammillersinnaasunik kalaaliminernit pisunik neqinik pisiniarfanni akikitsunngorlugit tunineqarsinnaasunik Naalakkersuisut qanoq pilersaaruteqarpat?

Tunngavilersuut

Peqqinnartunik nerisaqarnissaq tamanut pisariaqavissuuvoq, aamma Kalaallit Nunaani. Nunatsinnit nunattalu pisuussutaanit inuit nerisassaata aallaaveqarnissaat aamma pingaaruteqarpoq. Suli suliaasat aqutissiutassatullu isigineqartariaqarpoq kalaallit uumasuutaanit neqit assersuutiginnarlugu europamiut nersussuutaanit neqit nunamut eqqussuunneqartunut unammillersinnaasunik aqutissiuussissalluni.

Naalakkersuisunit kingusinnerpaamik ullut suliffiusut qulit ingerlanerini akissuteqartoqarnissaa kissaatigaara.

Inussiarnersumik inuulluaqqusillunga

Akitsinnguaq Olsen
Inatsisartunut ilaasortaq, Siumut.